

# Tradutzionis in sardu de is comunicatzionis istitutzionalis aparèssidas in portali istitutzionali de su **Comunu de Portescusi** in su mesi de **gennàrgiu 2023** a in curu de su **Sportellu Lìngua Sarda**.

## **01) AVISU CONTRIBUTU AFITUS** (11/01/2023)

### **COMUNU DE PORTESCUSI** PROVÌNTZIA DE SU SUD SARDIGNA UFÌTZIU SERVÌTZIUS SOTZIALIS

Dònnia informatzioni chi pertocat su Bandu si podit dimandai, mandendi una email o telefondendi, s'Ufìtziu de is Servìtzius Sotzialis, dònnia dii, de is 10 a is 12 a is recàpitu afatantis:

Telèfunu: 0781/5111435 - 5111419

Dot.a Pisu Maria Cristina - Email: [mc.pisu@comune.portoscuso.ci.it](mailto:mc.pisu@comune.portoscuso.ci.it) ;

## AVISU

Si fait sciri ca est publicau su Bandu de concursu po s'assegnatzioni de is contributus integrativus po su pagamentu de is cànonis de locatzioni art.1 comma 3 lei n.431 de su 9 de mesi de idas 1998, po s'Annualidadi 2022.

Is sugetus in possessu de is richisius indicaus in su bandu podint presentai sa dimanda po otenni is contributus sigundu cantu est prevèdiu in su bandu a efintzas a chi spaciand is risorsas assegnadas. Is dimandas de partecipatzioni depint arribai, in manera tassativa, A PENA DE ESCLUSIONI, a intrus de su 20 de GENNÀRGIU 2023.

Su contributu est relativu a su perìdu 1° de gennàrgiu 2022 – 31 de mesi de idas 2022 opuru de sa data de stìpula de su cuntratu si est a pustis.

Destinatàrius de su concursu funt is citadinus residentis in su Comunu de Portescusi in possessu de is rechisius prescritus in su bandu, is titularis de cuntratus de locatzioni a impreu residentziali de unidadi immobilis de proprietadi privada chi si agatant in su Comunu de Portescusi e ocupadas a titulu de domu printzipali.

### Donei Atenzioni!

Is dimandas de partecipatzioni depint essi cumpiladas sceti in is mòdulus aprontaus apostadamenti de su Comunu de Portescusi chi funt a disponimentu dònnia dii in s'Ufìtziu Protocolu o chi si podint scarrigai de su situ web a s'indirizu [www.comune.portoscuso.ci.it](http://www.comune.portoscuso.ci.it)

Sa dimanda cun sa documentatzioni alliongiada depit essi intregada sceti a s'Ufìtziu Protocolu po mèdiu de :

-TRASMISSIONI VIA PEC (in formau PDF) a s' indirizzo: [comune.portoscuso@pec.comune.portoscuso.ci.it](mailto:comune.portoscuso@pec.comune.portoscuso.ci.it) ;

-A MANU a s'Ufìtziu Protocolu de su Comunu;

Si in casu sa mandada siat fata de una casella PEC non intestada a su richeridori est netzessàriu a alliongiari còpia de su documentu de identidadi de su richeridori etotu.

**Is dimandas chena de sa documentatzioni richèdida o non cumpiladas in manera**

pretzisa e sutascritas ant a essi scatadas.

**Si evidenziat ca:**

Is contributus de su Fundu "sustegnu locatzioni 2022" non si podit assumai cun sa cuota de s'afitu de su rèdditu/pensioni de cidadinàntzia e duncas custus contributus s'ant a erogai a su netu de sa "cuota afitu" de su RdC. A custu scopu est prevèdiu chi is richeridoris cumpilint una autocertificatzioni aprontada apostadamenti e sa verifica de s'INPS a pitzus de su pertzepimentu de sa "cuota afitu".

**02) AVISU LEI 162/98 (11/ 01/2023)**

**COMUNU DE PORTECUSI**  
PROVÌNTZIA DE SU SUD SARDIGNA  
ASSESSORAU A IS SERVÌTZIUS SOTZIALIS

**AVISU**

LEI 162/98

Si fait sciri ca, in s'Ufitziu de is servìtzius sotzialis de su Comunu, si podit mandai sa rechesta po atzedi a su finantziamentu de sa Lei 162/98 po is Pianus Personalizaus chi prevedint interventus finalizaus a allebiai su càrrigu de atendèntzia familiari.

Podint presentai sa dimanda totus is citadinus residentis in su Comunu de Portescusi chi tengant is rechisius afatantis:

- Tenni sa certificatzioni chi atestat s'handicap cun connotatzioni de gravidadi, sigundu sa lei 104/92 a su 31.03.20223.

**INFORMATZIONIS E MODULÌSTICA:**

- [www.comune.portoscuso.ci.it](http://www.comune.portoscuso.ci.it)
- A su nùmeru de telèfunu **3666588404** SCETI su lunis de is 10.00 a is 12.00 a su martis de is 15.30 a is 16.30

Su tèrmini po presentai is rechestas noas est su **06.04.2023**

### **03) AVISU AGIORNAMENTU ISEE (17/01/2023)**

## **COMUNU DE PORTESCUSI PROVÌNTZIA DE SU SUD SARDIGNA**

### **AVISU SERVÌTZIUS SCOLÀSTICUS A DOMANDA INDIVIDUALI (MENSA E TRASPORTU)**

#### **Si fait sciri**

A is babbus e a is mammas e a is tutoris de is utentis chi gosant de is servìtzius scolàsticus, trasportu e mensa, ca s'isee presentau a s'incumentzu de s'annu scolàsticu currenti, est scadiu in data 31/12/2022.

S'ISEE aggiornau depit essi mandau a custu Ufitziu sigundu is modalidadis indicadas asuta, non prus a trigadiu de su 28/02/2023.

Si in casu non si respetant is tèrminis stabilius, non s'ant a podi reconnosci is giudus pregressus, cun su positzionamentu cunsighenti de s'utèntzia, in fàscia màssima..

Su documentu si podit trasmiti sceti po mèdiu de sa piataforma on line de su sistema informatizau IcityCard – cun atzessu a sutèntzia in su situ istitutzionali de su Comune de Portescusi, in sa setzioni modulìstica on line a su link [Comune di Portoscuso - Portale dei servizi](#)

Cun sa rechesta garbosa de spainai custa nova.

Portescusi, 17/01/2023

Su ServìtzIU Afàrius Generalis  
Ufitziu Pùbblica Istrutzioni

## **04) BANDU LEI 431/98 – ANNUALIDADI 2022 (18/01/ 2023)**

**COMUNU DE PORTESCUSI**  
PROVINTZIA DE SU SUD SARDIGNA  
UFÌTZIU SERVÌTZIUS SOTZIALIS

**BANDU PÙBBlicu PO S'ASSEGNATZIONI DE IS CONTRIBUTUS INTEGRATIVUS PO SU PAGAMENTU DE IS CÀNONIS DE LOCATZIONI ART. 11 COMMA 3 LEI N. 431 DE SU 9 DE MESI DE IDAS 1998.**

### **ANNUALIDADI 2022**

#### **Su Dirigenti d s'ÀREA 1**

In esecuzioni de sa lei 09.12.1998, n. 431 art. 11, de su Decretu de su Ministeru de is LL.PP. Del 7.6.1999, de su decretu ministeriali 343 de su 12 austu 2020, publicau in sa GU n. 247 de su 1.10.2020; de sa deliberazioni de sa Giunta Regionali n. 37/40 de su 09/09/2021, de sa determinazioni n. 418/IV de su 22/12/2021 chi pertocant su fundu natzionali po su sustegnu a s'atzessu a is domus in locazioni,

### **FAIT SCIRI**

**Ca, a s'iscopu de sustenni is titularis de cuntratus de locazioni de unidatis immobilis a impreu abitativu de proprietadi privada, est abertu custu bandu pùbblicu po s'assegnazioni de contributus integrativus po su pagamentu de su cànoni de afitu, Annualidadi 2022.**

A cumentzai de sa data de publicazioni de custu bandu e fintzas a sa dii 20 de gennàrgiu 2023 is sugetus in possessu chi de is rechisus allistaus asuta ant a podi presentai sa domanda po otenni is contributus a integrazioni de is cànonis de locazioni sigundu cantu est prevèdiu de custu bandu e fintzas a chi spaciant is resorsas assegnadas.

Is dimandas chi arribant a intrus de su tèrmini arremonau in antis – si in casu in règula – ant a donai tìtullu a s'atribuzioni de su contributu a cumentzai de sa su 1° de gennàrgiu 2022 opuru de sa data de sa stipula de su cuntratu, si est afatant.

#### **Art. 1 – Destinatàrius de is contributus**

Funt destinatàrius de is contributus is titularis de cuntratus de locazioni, registraus in manera regulari, a impreu residentziali de unidatis immobilis de proprietadi privadas chi si agatant in su Comunu de Portescusi e ocupadas a tìtulu de domu pritzipali.

#### **Art. 2 - Rechisus oetivus e sugetivus po s'atzessu a is benefitzius**

Po s'ammissioni a custu bandu est netzessàriu a essi in possessu de is rechisus afatantis:

1. **Essi** in possessu de sa cidadinàntzia italiana o de unu Stadu aderenti a s'Unione Europea. Su tzitadinu de unu Stadu extracomunitàriu depit essi in possessu de tìtulu de soggiornu regulari.
2. **Essi** residenti in su Comunu de Portescusi in s'immòbili po su cali si circat su contributu po totu su periodu aundi si riferit su cuntratu de locazioni;
3. **Non essi** titulari, ne su richeridori e nemancu nisciunu cumponenti de su nùcleu

familiari, de diritus de proprietadi, usufrutu, impreu e abitazioni a pitzus de allògiu adeguau a is esigènzias de su nùcleu familiari suu, chi si agatit in calisiat localidadi de su territòriu natzionali, sigundu s'art. 2 de sa L.R. 13/89, sigundu sa definitzioni afatanti: *“Si considerat adequadu s'allògiu chi tenit superfici ùtili, considerata che superfici de pamentu mesurada a su netu de is murus perimetralis e de is de aintru, a de is limitis de passàgiu de unu vanu a s'àterus, de portas e fenas, siat non prus bàscia de 30 mc. po 1 persona, non prus bàscia de 45 mc. po 2 personas, non prus bàscia de 55 mc. po 3 personas, non prus bàscia de 56 mc. po 4 personas, non prus bàscia de 75 mq. po 5 personas, non prus bàscia de 95 mq. po 6 personas e prus”*;

In su casu chi su cumponenti de su nùcleu familiari non tengat sa proprietadi intrea, s'adeguadesa de s'allògiu est valutada in sa basi de cuota de possu sua. Su nucleu familiari est ammitiu a su contributu in su casu chi, unu cumponendi, mancai tengat deretu de proprietadi non podit gosai de su beni.

Su cuntratu de locatzioni DEPI:

- essi riferiu a un'allògiu postu po domu printzipali, chi currispundit a sa residènzia anagràfica de su richeridori;
- essi registrau e a règula cun su pagamentu de s'imposta de registru po s'annu 2022 (in s' 'Agenzia de is Intradas) o in regimi fiscale de sa cedolare sica.

Su cuntratu de locatzioni non depit essi stipulau intru de parentis e afinis a intrus de su segundu gradu o intru de maridu e mulleri non seberaus legalmenti.

**Totus is rechisius arremonaus inantis depint essi tentus po totu su periodu chi si riferit su cuntratu de locatzioni.**

**Art. 3 – Rchisius de rèdditu po s'atzessu a is benefitzius**

Sa cuntzessioni de is contributus est subordinada a sa sussistènzia de is rechisius de rèdditu afatantis:

<b>FÀSCIA</b>	<b>RÈDDITU ISEE cun valididadi annu 2022</b>	<b>LÌMITI MAX</b>	<b>INCIDÈNTZIA CÀNONI/RÈDDITU</b>
<b>A</b>	<i>ISEE currenti o ordinaàio uguali o prus bàsciu a sa summa de duas pensionis minimas INPS</i>	€ 13.659,88	<i>Incidèntzia de su valori ISEE de su cànoni annuali corrispùndiu superiore a su 14%</i>
<b>B</b>	<i>ISEE currenti o ordinàriu uguali o prus bàsciu a su limiti de rèdditu prevèdiu po s' atzessu a s'ediltzia sovventzionada</i>	€ 14.573,00	<i>Incidèntzia in su valori ISEE del su cànoni annuali corrispùndiu prus artu de su 24%</i>
<b>Fàscia Covid (càstia nota infatu)</b>	<b>ISEE currenti o ordinàriu prus artu € 14.573,00</b>	<b>€ 35.000,00</b>	<i>Incidèntzia in su valori ISEE de su cànoni annuali corrispùndiu prus artu de su 24%</i>

**C.B.** Po s'ammissibilitadi a sa Fàscia Covid, sigundu s'art. 1, comma 4 de su DM n. 290 de su 19/7/2021, is richeridoris depint presentai un'autocertificazioni aundi decrarant de ai tentu, po mori de s'emergèntzia Covid-19, una pèrdida de su rèdditu IRPEF insoru prus arta de su 25%. Comenti est stabiliu de su comma 5 de cussu decretu etotu, sa ridutzioni de su rèdditu podit essi tzertificada puru po mèdiu de s'ISEE currenti, o in alternativa, po mèdiu de cunfrontu intru de is decraratzionis fiscalis 2021/2022.

In casu de coabitazioni de prus nùcleus familiaris podit èssi presentada una domanda sceti de contributu.

#### **Art. 4 – Formazioni e pubblicazioni de sa graduatòria**

Su Comunu protzedet a s'istrutòria de is dimandas de is cuncorrentis arribadas a intrus de su 20 de gennàrgiu 2023, averiguendi sa completenessa e formulendi sa gradutòria provisòira e definitiva in sa basi de is critèrius de prioridadi afatantis::

- 1) Cuncorrentis insertaus in sa fàscia **(A)**
- 2) Cuncorrentis insertaus in sa fàscia **(B)**
- 3) Cuncorrentis insertaus in sa fàscia **(Covid)**.

Sa graduatòria definitiva est pubblicada in s'Albu Pretòriu de su Comunu po 10 diis de sighiu. A intrus de su tèrmini de sa graduatòria iin s'Albu Pretòriu is chi funt interessaus podint presentai opositzioni a su Comunu.

In sa graduatòria, in osservàntzia de sa normativa a pitzus de sa privadesa, non si marcant is generalidadis de is chi funt presentis ma sceti su nùmeru de protocollu de is dimandas insoru.

#### **Art. 5 – Contributus cuntzèdibilis**

Su cànoni annuali est sa spesa cumpllessiva chi est prevèdia in su cuntratu de locatzioni po s'annu 2022 e est donau de sa summa de is cànonis mensilis de cuntratu (po esèmpiu si is mesis de cuntratu fessint otu, su cànoni annulai est donau de sa summa de is otus cànonis mensilis).

Sa summa de su contributu non podit essi prus arta de sa diferèntzia a intrus de su cànooni annuali efetivu, a su netu de is òneris atzessòrius, e su cànoni cunsiderau suportàbili in relatzioni a s'ISEE de su beneficiariu sigundu is paràmetrus afatantis:

Sa cànoni annuali efetivu est sa spesa cumpllessiva chi est prevèdia de su cuntratu de locatzioni po s'annu currenti a su netu de cànonis atzessòrius eventualis.

Su cànoni suportàbili (CS) est determinau de aici:

- po sa fàscia A est uguali a su 14% de s'ISEE **fintzas a unu màssimu de € 3.098,00 a s'annu.**

- po sa fàscia B e sa fàscia Covid est uguali a su 24% de s'ISEE **fintzas a unu màssimu di € 2.320,00 a sa'nnu.**

Po determinai su contributu, duncas tocat a ndi troci a su cànoni annuali efetivu su cànoni suportàbli (C=CA-CS).

Su contributu mensili (Cm) est otendu partzendi su contributu annuali po su su nùmeru de mesis de cuntratu de s'annu 2022.

A ùrtimu su contributu cuntzèdibili (Cc) est otentu moltiplichendi su contributu mensili po su nùmeru de mesis po is calis si podit riscontraì sa ricevuta de pagamentu.

Esèmpiu de càrculu de su tanti màssimu de contributu in basi annuali:

ISEE de su nùcleo familiare = € 10.000;

cànoni annuali efetivu = € 3.600,00;

cànoni suportàbili = € 10.000,00 x 14% = € 1.400,00. Tànti màssmu de su contributu = cànoni annuali efetivu - cànoni suportàbili.

**Duncas: tanti de su contributu = € 3.600,00 - € 1.400,00 = € 2.200,00.**

Si in casu is resorsas trasferidas de sa Regioni no abastint a acarrazai totu s'abisòngu acertau, is contributus de totus is richeridoris insertaus in is fàscias A e B e C s'ant a ridusi in manera proporzionali cunfronta a s'abisòngiu individuali, in is limitis de is dotatzionis a disponimentu.

### **Art. 6. - Erogatzioni de su contributu.**

Sa licuidatzioni est subordinada a sa presentatzioni de is ricevutas de pagamentu originalis de su cànoni relativu a is mesis de residèntzia efetiva. S'entidadi de su contributu est calculada in funtzioni de su nùmeru de mensilidadi pagada e documentadas.

Is ricevutas originalis depint essi alliongiadas a sa domanda o presentadas, a dònna manera, a intrus de su tèrmini de scadèntzia de custu bandu **a pena de esclusioni**, sigundu is pròpias modalidadi prevèidas po sa mandada de is demandas indicadas in s'art.8 afatanti.

Is ricevutas originalis donadas de su locadori depint tenni sa marca de bullu apòsita de € 2,00 e depint essi sutascritas po cuietàntzia de su locadori etotu cun firma chi si potzas ligi; in prus depint tenii s'indiritzu de s'allogiu pigau a pesoni, mesi e annu de riferimentu o assumancus su nùmeru de registratzioni de su cuntratu de locatzioni in basi a su cali s'est presentada sa dimanda.

In casu su pagamentu de su cànone si fatzas po mèdiu de bonificu bancàriu o modalidadi anàlogas, depit essi presentada sa ricevuta originali cuietantzada donada de su locadori sigundu is inditus iscritus in antis.

Sa ricevuti podit èssiri fintzas cumulativa e a narri relativa a prus mensilidadi o fintzas a totu s'importu de su cànoni prevèdiu po su 2022, e in custu casu si depit alliongiai fotocòpia de su documentu de su locatàriu o de chini cuietàntziat.

Si podit presentai in alternativa, decratatzioni liberatòria, de su pagamentu fatu de su cànoni de locatzioni, cun sa fotocòpia de su documentu de identidadi de su locatàriu alliongiada.

### **Art. 7 – Cumulabilidadi cun àterus contributus po su sustegnu a sa locatzioni.**

Sigundu cantu est prevèdiu de s'art. 5 de s'Alliòngiu n. 2 a sa Delib.G.R. n. 37/40 de su 9.9.2021, sa cumulabilidadi de su contributu ogetu de custu bandu cun àterus finantziamentus a sustegnu de sa locatzioni est disciplinada in custa manera:

#### **➔ Rèdditu/Pensioni de cidadinàntzia**

Comenti est dispònniu de s'articulu 1, comma 6 de su decretu n. 290 de su 19/7/2021, "is contributus contzèdius...non funt cumulàbilis cun sa cuota destinada a s'afitu de su chi si narat rèdditu de cidadinàntzia [.....] Duncas is comunus, ant a erogai is contributus a su netu de cuota afitus de su rèdditu/pensioni de cidadinàntzia."

### **Art.8 – Distributzioni, regorta e modalidadi de presentatzioni de is demandas**

Is domandas de partecipazioni depint essi cumpiladas sceti in is mòdulus aprontaus apostadamenti de su Comunu de Portescusi, chi funt a disponimentu dònna d'ii in s'ufitziu protocollu o chi si podint scarrigai de su Situ Web de su Comunu a s'indirizzu <https://www.comune.portoscuso.ci.it>

Is domandas, sutascritas in manera pretzisa depint essi cumpletas de totus is datus e de totus is autocertificatzionis netzessàrias po i s cuntègius e depint in prus indicai s'indirizzu e unu recàpitu telefònicu po permiti comunicatzionis eventualis relativas a su cuncursu.

Is dimandas de partecipazioni depint arribai, cumpiladas pretzisas e cumpletas de sa documentatzioni richèdida, in manera tassativa, A PENA DE ESCLUSIONI, a intrus de su tèrmini de scadèntzia stabiliu po sa d'ii 20 de gennàrgiu 2023.

Sa domanda, chi tenit a ogetu: *“Dimanda de partecipazioni assegnazioni contributus integrativus po su pagamentu de su cànoni de afitu. Annualidadi 2022”* e sa documentatzioni allongiada depit essi intregada sceti a s'ufitziu protocollu po mèdiu de:

-TRASMISSIONI VIA PEC (in formau PDF) a s'indirizzu [comune.portoscuso@pec.comune.portoscuso.ci.it](mailto:comune.portoscuso@pec.comune.portoscuso.ci.it)

- A MANU a s'ufitziu protocollu de su comunu.

Si in casu s'invia sia fatu de una casella PEC non intestada a su richeridori est netzessàriu a allongiai una còpia de identidadi de su richeridori etotu.

**Is domandas chi non tenint totu sa documentatzioni richèrida e non cumpilada in manera pretzisa e sustascritas ant a essi scartadas.**

#### **Art. 9 – Documentatzioni de allongiai a sa domanda**

A sa domanda de partecipazioni si depint allongiai is documentus afatantis:

- a) Còpia de unu documentu de identidadi de su richeridori in cursu de valididadi;
- b) Po is tzitadinus de unu Stadu extracomunitàriu còpia de su permissu de soggiornu in cursu de valididadi. In casu su permissu de soggiornu siat scadiu est netzessàriu a allongiai a sa domanda de contributu sa ricevutu de annoamentu emìtia a intrus de 60 diis de sa data de scadèntzia de su permissu etotu.
- c) Còpia de su versamentu de s'imposta de registru annuali o de sa documentatzioni relativa a su regimi fiscali de sa cedolri sica
- d) Còpia del sa certificatzioni ISEE (ISEE ordinàriu o currenti) fata in s'annu 2022 sigundu su DPCM n. 159/2013 **Allongiai sceti s'atestau e non sa DSU.**
- e) Ricevuta originalis de pagamentu fatu de su cànoni relativu a is mesi de Gennàrgiu/Mesi de Idas 2022 postas de marca de bullu de € 2,00 e sutascritas in manera pretzisa po cuetàntzia de su locatori etotu cun firma chi si potzat ligi (pena esclusione).
- f) Còpia cuntratu de locatzioni registrau in manera regulari.

#### **Art. 10 – Autocertificatzioni de is rechisius e controllus**

Sigundu cantu est prevèdiu de is art.s 46 e 47 de su DPR 28.12.2000 n.445, su richeridori



podit imperai s'autocertificatzioni de is rechisius richèridus po sa partecipazioni a custu bandu.

S'Amministratzioni comunali at a fai is controllus dèpidus a norma de s'art.71 de su DPR giai arremonau, fintzas a campioni a pitzus de sa veridicidadadi de is decraratzionis sostitutivas.

A norma de is arts. 75 e 76 DPR 28.12.2000 n. 445 in casu de decraratzioni farsa, farsidadadi in atu o impreu de atus farsus, in prus de is santzionis penalis prevèdias in manera espresa, s'Amministratzioni comunalli at a providi a sa rèveca de su benefitziu eventualmenti cuntzèdiu.

## **Art. 11 - Càusas de esclusioni**

### **Funt càusas de esclusioni:**

1) Domanda non firmada;

2) Domanda sena de còpia de su documentu de identitadi de su richeridori in cursu de valididadadi

3) Domanda sena de còpia de su permissu de soggiorni in cursu de valididadadi, si in casu siat netzessàriu

4) Domanda non completa o sena de sa documentatzioni netzessària chi non benit regularizada a intrus de is tèrminis assegnaus de s'Ufitziu cumpetenti.

5) Domanda arribada a pustis de su tèrmini de scadèntzia stabiliu de su Bandu

6) Ricevutas originalis de pagamentu fatu de su cànoni relativu a is mesis Gennàrgiu/Mesi de Idas 2022 chena de marca de bullu de € 2,00 e sutascrita po cuietàntzia de su locatori cun firma chi si potzas ligi

## **Art. 12 - Responsàbili del procedimentu**

Su Responsàbili de su Procedimentu est sa dott.a Maria Cristina Pisu.

## **Art. 13 – Informatzionis a pitzus de su Tratamentu de is datus**

Sigundu is art.s12 e 13 Regulamentu UE n. 679/2016, sigundu is scopus de custu bandu de cuncursu est titulari de su Tratamentu su Comunu de Portescusi, via Marco Polo 1, 09010 Portoscuso. Su Titulari de su Tratamentu, informat ca totus is datus de is candidadus ant a essi oberaus sceti po doniuna de is atividadis prevèdias de custu bandu.

Sa basi giuridica de su tratamentu est s'art. 6, par. 1, lit a), Reg. UE n. 679/2016, est a narri su cunsensu de su candidadu donau in manèra, libera, informada, crara po sa partecipazioni a custu cuncursu e postu in sa domanda de partecipazioni.

Su tratamentu est fatu cun protzeduras informatizadas sceti po su scopu indicau in custu bandu. Sa mancàntzia de cunsensu a su tratamentu de is datus no at a permiti a su cuncorrenti de partetzipai a custa protzedura poita ca funt richèdidus sceti is datus netzessàrius e pertinentis po is scopus esplitzitaus in su bandu e arremonaus in cussu articulu. Su cunferimentu de is datus richèdidus in custu bandu est netzessàriu po valutai is rechisius de partecipazioni e su possuessu de is titulus e su de mancai s'inditu precludit custa valutatzioni.

Is datus regortus in s'àmbitu de su protzedimentu sigundu custu bandu podint essi ogetu de comunicatzioni: a su personali dipendenti de s'Amministratzioni, responsàbili de su protzedimentu, o a dònna maniera coinvòlgiu po arrexonis de servitziu; a totus is sugetus

chi tenit titulu sigundu sa normativa in vigèntzia; a is sugetus destinatàrius de comunicatzionis eventualis e publicidadi prevèdias de is leis in materèia, includius is servìtzius cumpetentis de sa Regioni Autònoma de Sardigna.

Totus is sugetus coinvòlgius in is operatzionis de tratamentu ant a assigurai sa riservadesa de is datus de totus is interessaus chi partecipant a custa protzedura cuncursuali.

Is datus personalis de is candidaus ant a essi allogaus fintzas a candu no ant essi prus netzessàrius po is scopus de custa protzedura.

Is candidaus ant a podi esercitai si deretus prevèdius de is art.s 12-22 de su Regulamentu UE, e da s'art. 7 D.Lgs. n. 196/2003 chi si resumant inoxi avatu.

Est deretu de s'interessau richedi in calisiat momentu se rèvoça de su cunsensu donau a s'atzessu a su tratamentu de is datus personalis suos, de dimandai s'aggiornamentu, sa retifica, sa cancelladura o sa trasformatzioni in forma anònima o su blocu de is datus trataus in violatzioni de lei. A s'interessau est riservada sa facultadi de si oponni a su tratamentu de is datus personalis e de presentai reclamu a su Gatanti in casu de violatzioni de is datus personalis suos (art. 77 de su Reg. UE 679/016).

Sa rèvoça de su cunsensu est efficaci de su momentu chi est esercitada, abarrendi sa litzeidadi de su tratamentu fatu in antis.

#### **Art. 14. – Norma finali**

Po cantu no est prevèdiu in manera espessa de custu Bandu, si fait riferimentu a sa normativa statali e regionali in vigèntzia, e a s'Alliòngiu de sa Delib.G.R. n. 29/19 de su 22.09.2022.

Po dònna informatzioni chi pertocat custu Bandu si podit pregontai, a mèdiu de email o telèfunu a s'ufitziu Servìtzius Sotzialis, su lunis e su mèrcuris de is 10.00 a is 12.00 e su martis a merì de is 16.30 a is 18.00 a custos recàpitus:

Telèfunu: 0781/5111435 - 5111419

Dot.a Pisu Maria Cristina - Email: [mc.pisu@comune.portoscuso.ci.it](mailto:mc.pisu@comune.portoscuso.ci.it)

Su Dirigente de s'àrea 1  
f.au dot. Pinna Daniele

05) S' Assessorato Servizi Sociali Cultura e Pubblica Istruzione Portoscuso fait sciri ca funt in publicatzioni is graduatòrias provisòrias relativas a is interventus po su deretu a su stùdiu (2022/2022), **de** ), aprovas cun proposta de determinatzioni n.73 de su 17/01/2023). Is graduatòrias ant a essi definitivas si a intru de 5 diis no ant a arribai segnalatzionis o osservatzionis.  
<https://www.comune.portoscuso.ci.it/.../pubblicazione...>

## **05 Promemòria Auschwitz (19/01/2023)**

Promemoria Auschwitz est unu progetu de educatzioni a sa cidadinàntzia europea penntzau po acumpangiai is giòvunus sa scuberta e su cumprendimentu de sa cumplessidadi de su mundu chi teneus a giru a comentzai de su passau e de sa manera de ddu contai, po chi potzant svilupai su spìritu criticu netzessàriu po essi tzitadinus protagonistas in su presenti.

S'Amministratzioni Comunali at aderiu e bolit finantziai po s'annu 2023 su progetu "Viaggio nella memoria 2023 - Promemoria Auschwitz Sardegna 2023", propostu de is Assòtzius "ARCI Sardegna" e "Deina"

Podint partecipai a su progetu sceti is giòvunus chi siant :

Residentis in su Comunu de PORTESCUSI;

Chi tengant de 18 a 25 annuus;

Chi si impegnint a partecipai a totus is fasis de su progetu inclùdias sa formatzioni post viàgiu e is "torradas" afatantis - pena s'esclusioni automàtica;

Chi si impegnant a contribuii cun d-una cuota de 100,00 € chi depit essi versada in is riunionis de aprontamentu chi pretzedint su viàgiu a Cracòvia.

Is chi funt interessaus depint cumpilai – on line sceti – sa dimanda de partecipatzioni non prus a trigadiu de is oras 24:00 de mèrcuris 25 de gennàrgiu 2023

Incracai inoxi po cumpilai sa domanda

## **06) AVISU REVISIONI TOPONOMÀSTICA COMUNALI** (30/01/2023)

### **Comunu de Portescusi** **AVISU**

#### **REVISIONI DE SA TOPONOMÀSTICA COMUNALI E REDATZIONI ELENCU DE IS RESIDENTIS**

S'Amministratzioni Comunali at detzidiu de protzedi a un'intervuntu chi pongat òrdini in sa toponomàstica e in sa numeratzioni cívica cittadina, e de apicai targas noas de is cívicus e de is àreas de circulatzionis chi mancant, addannadas o sbaliadas.

Cun cusstuinterventu s'ant a podi risolvi situatzionis de numeratzioni, chi ormai est bècia meda, e chi in su tempus ant causau disservìtzius e a is tzitadinus e problemas a is ufìtzius comunalis e postalis. Su servìtzium dd'at a fai sa dita TAULARA S.R.L. in totu su territòriu comunali a cumentzai de su mesi de gennàrgiu e at durai unus duus mesis.

Su personali incarrigau de sa regorta de is datus at a podi pregontai informatzionis a is residentis e si in casu de assèntzia de is incuilinus/meris, is tènicus ant a lassai unu modellu de rechesta de datus in sa cascita de sa posta chi depit essi cumpilau e torrau a manu a s'operatori incarrigau in is diis afatantis o intregau a s'Ufìtzium Protocolu de su Comunu.

Si fait sciri ca su servìtzium est totu a indonu, e variatzioni eventualis non ant a causai nisciunu òneri burocràticu po su citadinu.

Su personali incarrigau no est autorizau a arrici ode circai dinai a is citadinus e s'at a podi connosci gràtzias a unu tesserinu donau de su Comunu aundi ddoi at scritas is generalidadis de su sugetu esecutadori e de sa Dita.

Po otenni informatzionis e acaramentus si podit cuntati su Servìtzium Tènicu de su Comunu a su nùmeru de telèfonu 0781.5111431-408, opuru a s'indirìtzium de posta eletrònica: [info@comune.portoscuso.ci.it](mailto:info@comune.portoscuso.ci.it)